



## 3 Nibwaai 20–26

(OKITOBWA 12–18)

# Ti kanga n ira ana “mwakuri ae kamimi” te Uea?

I buakon bwaai aika a mwaiti ake e reireiniia Nibwaite te Tia Kamaiu, E reireiniia taekan ikotakiiia Iteraera ao n tuangiia bwa a na kamatebwaia koroboki aika a tabu ao ni kawakin rongorongoia. Tina kanga n irii reirei aikai n te bong aei?



### Ukookora aia Taeka Burabeti

Te Tia Kamaiu e tuangiia Nibwaite bwa a na “ukookouria burabeti” (3 Nibwaai 23:5). Iai tibwangara n ongo irouia burabeti aika maiu ao tabeman taan kairiiri n te Ekaretia n taetae ni maungatabu ni kabuta.

- Tera ae ko kona ni karaoia ni karekea ae mwaiti riki man te maungatabu ni kabuta?
- E kanga “ukookourakia burabeti” ni buokiira n ikotia Iteraera?

### Ira Karaoan te Mwakuri

Iesu Kristo e taetae ni burabetiia te “mwakuri ae kakanato” inanon boong aika kaitira (taraa 3 Nibwaai 21:9). Te mwakuri anne bon ikoikotakiiia Iteraera. Beretitenti Russell M. Nelson e arana aio “te bwai ae moan te kakaawaki ae riki iaon te aba n te bong aei” ao e taku, “Ngkana ko rineia, ngkana ko tangiria, ko kona n riki bwa ngkoe mwakorona.”<sup>1</sup>

- Ko na kanga ngkoe ma am utu n reiakina ae mwaiti riki ao n ira ikoikotakiiia Iteraera?



### Korea te Rekooti

Iesu e tuangiia ana abotoro ake Nibwaite bwa a na kawakina rekootin Ana reirei ao ana taetae ni burabeti Tamuera te Remwanaite (taraa 3 Nibwaai 23:4, 6–13). N aron naba aei, ti kona ni kawakin rongorongon maiura ni buokiira ao n reireiniia tabeman.

- Iai taneiai n te maiu n tamnei ae ko tuai n tau mwiia?
- Kona kanga n tau mwiin bwaai ake e reireiniko te Atua?



### BWAAI AIKA A NA TARAAKI

1. Russell M. Nelson, “Hope of Israel” (worldwide youth devotional, June 3, 2018), 8, [HopeofIsrael.ChurchofJesusChrist.org](https://www.hopeofisrael.churchofjesuschrist.org).